

續濟

# 博山縣志

安國王蔭桂

第一冊



30420  
共冊

140.57  
140  
千五



民國二十六年六月

續修

博

山

縣

志

張新曾題

# 總 理 遺 像

革 命 尚 未 成 功



同 志 仍 須 努 力

續修博山縣志卷首目錄

緣起

舊序

新序

辦事細則

舊志纂修姓氏

新志纂修姓氏

舊志凡例三十二則

新志凡例

圖考

博山縣志

卷首目錄

一

輿地圖

城市圖

學區圖



續修博山縣志緣起

吾博縣志創修於前清乾隆十八年癸酉迄今一百八十二載其間政治之沿革人物之代謝湮沒而不彰者不可勝計失此不修恐無以善其後矣民四春蔣衍升倡議修志入手調查民二十前高道天縣長委李守中主任編纂皆以未及實行而歿良可惜已二十二年冬

省主席韓通令各縣修志 王蔭桂縣長於二十三年六月提經縣務會議決嗣卽召集全縣人士於是年九月成立續修縣志辦事處分工合作迨二十四年冬脫稿爰述其緣起以記之

中華民國二十四年十二月王鳳藻撰

博山縣舊志序

周官小史掌邦國之志外史掌四方之志此志所由昉也自天下改爲郡縣而歷代之沿革於是乎錯出以故由縣而郡而省莫不各有所志凡欲考諸政者按其圖籍則山川土田疆域物產無不周備至於戶口之登耗人物之盛衰風俗之淳澆賦役之繁簡所以因時補救者亦藉此以布之志之所係亦大矣哉顏神鎮舊隸益都離城一百八十里我世宗憲皇帝俯念鄉民輸納維艱分設博山縣并割淄川萊蕪兩縣地以屬之迄今幾二十年未有耑志蓋以官斯土者率視爲不急之務而剗剗之資又必待金錢始瞻誰爲倡予和法者邑志之不修固無足怪也客夏余奉命承乏茲

博山縣志

卷首

舊志序

三

邑求之弗得慨然思舉曠典而自維弁陋乃與司鐸田公少府同君集諸紳士謀之僉曰善爰設局纂修廣求遺文博訪輿論輯成一書越六月而告竣鏡歷代於寸簡羅四封於尺幅而盛時之文獻佳行庶不至漸湮乎異日者則邑志之修不無小補也夫

乾隆癸酉杏月穀旦博山令長白富申撰

博山縣舊志序

博邑山川人物散見於郡邑志者由來舊矣然當改邑之先一鄉耳於郡邑最僻遠操觚家既未嘗身至其地而詳考其溪山風土故紀載不甚切實且不及什之一二焉厥後故相文定孫公謝政在里著顏山雜記以鄉先生述鄉里事既工且信曰顏山從其鄉也曰雜記隨所見聞以書非志家體例也文定公誠知立言者矣先是青州別駕葉公先登偕鎮鄉貢生張公聯翼創修顏神鎮志一書其文詳博精核艷稱於時孫與張甥舅也雜記之作實緣起於此迨我國家建置新邑幅員益廣制度亦異而邑乘闕如於是

有虞山仲生是保者纂志略藁二卷仲爲贊善趙公弟子嘗館於

博山縣志

卷首

舊志序

四

趙氏暇則策蹇四出攬其山川徵諸碑記頗能補雜記之所未備然無纂修之權用力多而成功少亦可憾已壬申長白富公來宰茲邑士麟亦忝司訓於此甫數月卽及志事遂集諸紳士共襄鉅典而屬士麟與其事自惟譎劣固辭不獲因詢之父老參之志乘訛者正之遺者補之而勸懲之旨法戒之義則附以鄙意此豈敢自附於著述之林哉念立邑以來二十年未修之典今賢侯一旦成之以附於郡邑志之後微特此邦之文獻藉是以傳而士麟亦與有榮施矣是爲序

乾隆癸酉杏月穀旦博山縣儒學訓導曹州田士麟撰

博山縣舊志跋

原夫顏山巔窈名肇文姜孝水汪洋澤由順德巾幗之天經克盡山川之地氣旋開以致齊魯荒郊蔚爲巨鎮虛危躔次竟作名區唐宋以前尙歸於淄邑元明之際改隸夫青州築城而龜窟協從三里成於三月分職而尊卑畢至百姓瞻彼百官閭閻則雁齒齊排悉依巖而臨水商賈則鼉梁載上亦帶闔而通闔暨乎我朝遠邁往古山陬海澨罔不歌咏於太平小子成人相與沐浴乎文教於是此邦之人士嶽降星流累世之篇章雲蒸霞起固已兆規同之勢稱文獻之墟矣世宗憲皇帝御極之十有二年闔澤覃敷湛恩汪濊興利除弊萬方予以更新酌古宜今百度於焉具舉爰爲

博山縣志

卷首

舊志跋

五

改邑以便斯民既將萊蕪故邑以來歸幅員乃廣復割般陽遠地而近附土田亦增洵可久之大猷不易之善制也然而侯封百里著述宜詳邑宰數更纂修無意往蹟之盛衰莫據歷代之人文就湮惟我堂臺富公上承憲意下順輿情集博士之協謀蒐蘿務廣兼司鐸之綜理筆削維嚴上星度而下井廛前封疆而後田賦土物註其繁庶人材徵其瑞靈旣綱舉而目張亦條分而縷晰瑞欣逢盛典竊愧不才漫從釐定之餘得與校讎之役齊諧志怪妄備參稽魯豕傳訛聊爲訂正敢附諸公之末稍効一得之愚焉爾

乾隆癸酉杏月博山縣典史西安同瑞謹跋

### 續修博山縣志序

博山舊爲益都之顏神鎮自清雍正間改設縣治並劃淄川萊蕪兩縣邊疆以屬之越二十年至乾隆癸酉始創修縣志迄今又越百八十餘年矣余於民國二十年五月奉 令來長斯邑徧覽山川形勢詳察民風物產以爲施政之資問與地方人士論及邑之文獻固有能道之者而語焉弗詳又百八十餘年之間國家政教迭經變遷近自歐風東漸及國體更新尤月異而歲不同一邑雖小一切亦以大勢所趨而互爲乘除其與時推移之事實一任其淹沒弗彰致歷久而無所徵信皆官茲土者之責也故下車伊始卽提議續修縣志祇以剗陋之資無從挹注迄未實行及二十三

博山縣志

卷首

新志序

一

年秋奉 令舉辦遵卽籌設修志處與邑之士大夫共策進行並聘張煥宸先生爲總纂徐蘭生王采如兩先生爲分纂釐定體裁分別門類廣搜而審擇之越年餘而纂輯成書不日卽行付梓矣修志處問序於余余以郡縣之有志猶國家之有史也國史隨世運而演進縣志亦隨國政而更新博山此次續修之縣志固不敢謂較勝於前而值茲交通頻繁政教改善之時其事實之供作資料者要與百八十餘年以前有所不同也余提議此事遲之數年而未克如願一旦得觀厥成竊自幸焉然余不明志學纂輯此書全賴與於修志諸君子之贊助則因人成事僅以一言弁諸簡端抱愧又何如耶是爲序

中華民國二十五年五月安國王蔭桂

博山縣志

卷首

新志序

## 續修博山縣志序

予不操筆墨生活者久矣自清季筮仕并垣而後勞形案牘日無暇晷文章一道遂後於經濟矣民國二十四年夏接吾博修志局啓以志書行將告成問序於予予竊念是書之成曾因前人之舊而實有難於創始者蓋吾博之有縣志始於乾隆十八年其時距分縣僅數十年耳爲時未久見聞較確故易爲力迄今已將及二百年人事變遷桑田滄海凡忠臣孝子貞女烈婦其嘉言懿行湮沒無傳者不知凡幾乃欲於屢經變更之餘從事修葺而顧墜緒茫茫已等諸飄風驟雨之歸於烏有亦復何能爲力前李君時安屢議重修卒困於力有所不逮而止今幸藉羣策羣力不憚煩苦

博山縣志

卷首

新志序

三

積歲月而成是書是固吾博之幸也顧予寄跡并門三十年風塵下吏日役志於政治民生凡吾博政治之沿革風俗之隆替人物之臧否百不得一聞竟不能廁身訪輯之列採一舊事得一新聞於是書有裨萬一撫衷自問深滋愧慙乃蒙諸君不棄欲得一言以污諸簡端予自顧筆墨荒蕪垂數十年今竟得藉編輯諸賢之力得以鄙俚之詞挂名簡末以傳諸不朽是又予之所竊幸者矣私心忭慰因忘謏陋率爾操觚見者幸勿笑予不文也

民國二十五年六月十日邑人張敬顯謹序

續修博山縣志序

往者會稽章學誠實齋以良史才不得位于時著文史通義一書甚稱修志之不易既標二便三長五難八忌四體四要之旨而於前人作志若康海之武功韓邦靖之朝邑范成大之吳郡王鏊之姑蘇膾炙人口非一日者輒駁詰至體無完膚雖冥心孤往將成一代之述作或不免近于苛求要之方志爲史之一體不有義法不足以傳世而行遠嚴格以繩之洵足爲苟焉操觚者戒也吾博居齊魯之交成立較晚自前清雍正中改縣以來惟乾隆十八年曾一纂縣志中更百八十年之久未有爲之續輯者非邑之先賢由來不務所急良以茲事體大與其修而弗善不如置而弗修蓋

博山縣志

卷首

新志序

四

亦矜慎之至耳承熙少習文史之學于章氏之說尤篤好而弗厭嘗不自揆欲于吾博年久失學之書稍盡棉薄以爲興起人文之一助會邦家多難棄文修武遂久置弗道方壯以還恒兀兀于韜鈴之說碌碌於戎馬之間往事如烟而吾年將五十矣昔者嘗怪博之爲邑民習禮義廉恥之遺地有陶磁礦產之富于位則孫文定之顯赫于文則趙秋谷之俊爽炳炳麟麟夙乎尙已獨馳騁行伍爲國家效命疆場者未易數數觀雖承平已久民不知兵未始非一方之幸然時世推移月異而歲不同海水橫飛四郊多壘不有禦侮之精神兵法之部勒奚以維種族而奠邦家乎民國二十二年魯省政府令各邑纂修志乘邑紳以時不可失竭三年之力

以成斯編承熙謬膺襄纂之任于役漢皋未能躬與筆政東望故園時用耿耿竊幸諸君子皆邑之鴻碩書成必能合於章氏之義法且際國勢飄搖之日更必有以振起吾博之人文不使孫趙諸公專美於前也

中華民國二十五年四月邑人徐承熙序

博山縣志

卷首

新志序

五

續修博山縣志序

自變封建而爲郡縣欲使一國之地域山川風俗人物并其間乘除變遷之勢朗若列眉而莫不畢備者則必自縣始欲使一縣之地域山川風俗人物并其間乘除變遷之勢朗若列眉而莫不畢備者則必自縣志始縣志之重要卽國史之緣起吾邑縣志失修者百八十餘年而此百八十餘年中茫茫墜緒文獻無徵長此守闕抱殘詎非遺憾卽有一二有志之士起而倡導斷斷議修而天不假年竟至賈志以終言念及此曷禁浩歎今者奉令續修勢不容緩正好藉此時機得完成先哲未竟之志不惟吾諸同仁樂于從事抑吾諸同仁義不容辭是舉也自二十三年九月起至二十五年二月止凡期年餘而告成縣志誌也予不可不因志而誌之是爲記

民國二十五年二月邑人張新曾謹序

### 續修博山縣志序

自扶風易龍門八書爲十志而志之名始立自元和國計簿告成州縣亦始有志書國史爲綱志乘爲目固互相闡發互相參稽而闕一不可者吾邑博山縣志距遼清乾隆時代以迄今爲百八十餘年而未嘗從事修輯年湮代遠事實失傳不有搜求益將荒落民國二年吾邑革命先進蔣洗凡先生以袁政府志在摧毀民黨於遯迹家居時曾一度修纂縣志乘坊與崔叶三韓夫挺王采如諸先生均與於是役屬稿待訂而洗凡先生卽世乘坊亦出而求學未竟斯願拳拳至今比幸文獻委員會諸君子根據舊志援古證今合力重修各依類集卽洗凡先生及乘坊等前修之稿亦得

### 博山縣志

#### 卷首

新志序

七

以參訂其間凡舊志所無者則另列目錄以增入之其無從考證而涉及疑似者則不稍假借寧付闕如是固合於官師職業維風勵世之前規而體例詳明意義真確更足爲千秋紀載作一精鑑昔賢不云乎修史之難莫難於志審斯志也可謂得謹嚴之要旨無浮僞之膚陳者矣乘坊年來久與政聞睽離鄉邑媿不獲再從諸君子附於纂校之役所冀自茲而後人文典物日有所尋卽歲有所紀矢慎矢公勿俾遺濫抑亦得補前事之闕而聞風興起立懦廉頑於社會人心習俗之關聯收效實至爲宏遠其惟吾邑新民之橐鑰善政之權輿乎

民國二十四年十二月邑人高秉坊序

續修博山縣志序

吾邑乘自清乾隆以還失修者蓋百有八十餘歲矣頃邑中諸子以是非所以信今而垂後也乃博稽旁探爲新志若干卷屬余一言余維斯志所記一邑微耳曾何足表異獨有慨於方今國家危難日亟言救國者率思有以捍吾圉其說信弘廓矣抑知國之必始於一鄉一邑之微乎夫豪傑之士其智足以揮斥一世而每念及田廬邱墓之守釣游娛嬉之地莫不形夢寐動顏色而不能忘卽農夫野人苟有攘劫其閭里者不審彼己必捐軀命與之爭若是者何也生習長養之鄉魂凝魄戀視若性命不可以尺寸失也然則苟人悉愛其鄉邑則積而爲國疆場之事乃不勞捍禦而無博山縣志

卷首

新志序

八

不保者矣况推其愛鄉之念以愛國者耶抑又聞總理言吾民國族之念薄而維家族是繫戀吾以爲苟人本愛其族之心而愛國國有不昌者乎而鄉邑乃實爲其樞機矣一邑雖微其繫一國之重有如此者吾邑去海僅數百里而軌道密接值海氛日烈之際一旦有事必承其衝吾邑人士他日捍鄉邑衛族姓之真固莫得而掩則斯志之行也其所以覘吾國存亡之具乎泚筆爲之序乃不知惶悚慨嘆之無極也

民國二十五年二月邑人李毓萬謹序

## 續修博山縣志序

本志此次重修之緣起及其經過情形具詳於督修總纂諸公序中茲不再贅今所欲言者則愚與本志特殊之關係而已愚自束髮受書卽酷嗜史事稍長肄業濟南高等師範學校復修歷史專科是與史學作緣已既歷有年所矣然編纂志乘以貢獻於社會則固有志未逮也民國三年蔣君洗凡約同愚及王君采如等發起續修縣志以繼前書蔣君並親赴鄉區實地調查積稿累累方擬著手編輯而蔣君因跋涉勞瘁致疾捐軀事遂擱置善舉中輟極爲遺憾至二十三年各縣奉省府通令一律重修縣志本縣縣志局始獲告成立督修邑侯王公總纂張煥宸表叔不以愚爲不

博山縣志

卷首

新志序

九

肖諄諄以分纂一職見委愚竊念桑梓義務既不容辭且可以補前日之缺陷也故遂自忘譴陋不避濫竽之嫌而樂隨諸公之後以効涓埃之助焉惟本縣志書承年久失修之餘值國體更新之後搜集材料規定體裁因革損益煞費斟酌幸而主管諸公虛心諮訪凡愚所陳芻蕘之見輒被採納且舊稿猶存足資參考故閱時不過年餘各項稿件大體已告完竣略加整理便可成書瞻念前途良用欣慰孰意孱弱之軀不耐多勞忽於去年冬間臥病不起延至廢曆春初勢益加劇而今而後或竟與世長辭不獲一觀此書之告成也乎未可知矣乃乘精神略爽之時援筆而記其始末使後之讀者觀文字之優劣可以驗其學之所至察去取之當